




PENDEKATAN DAKWAH SIDDIQ FADZIL MENERUSI KEBUDAYAAN DAN PERSURATAN

zulkiflihasan.com

Universiti Sains Islam Malaysia


HIDUP BIAR BERJASA (1947-2021)



"Saya berasa kerdil dan takut, tapi saya beranikan diri untuk menerimanya dengan semangat untuk mewakili para daie (pendakwah), ilmuwan dan pendidik yang telah lakukan amal soleh (bekerja) tanpa mengharapkan balasan. Selagi hayat dikandung badan, saya akan teruskan menegakkan syiar Islam dan ajaran Islam bersama prinsip dan nilainya".


(USF, 10 Sept 2018)





Metod Dakwah USF





Kesusasteraan dan Kebudayaan

- Ahli Lembaga Penasihat DBP (1992-2000), Pengurus Panel Penasihat Bidang Tamadun Islam (1992-1995). Ahli Jawatankuasa Bahasa dan Sastera (1992- 1998), Ahli Jawatankuasa Penerbitan (1992-2000) dan Ahli Panel Hakim Anugerah Citra Pendeta (2000), Ahli Penasihat Akademik Pendidikan Islam UiTM (1994-1998) dan Ketua Nadwah Persuratan Islam Malaysia (NAFIS; 2001-2004).
- Ph.D Institut Bahasa Kesusateraan dan Kebudayaan Melayu pada 1989. Tesis “Pemikiran Barat Moden – Sikap Para Cendekiawan Muslim Dengan Tumpuan di Alam Melayu”
- Penyeliaan di peringkat Pasca-siswazah dan mengajar kursus Pengenalan Persuratan Melayu, Metodologi Penyelidikan, Islam dalam Sejarah dan Kebudayaan Melayu, Islam dan Modenisme di Alam Melayu, Kesusasteraan Tradisional Nusantara dan Falsafah dan Pemikiran Melayu, Sastera Kanon Melayu (Malay Canon) dan Sastera Sufi.
- Penulisan dan penerbitan dalam bentuk buku, makalah, monograf, antologi puisi, esei dan ucapan dasar.

Keunikan dan Kekuatan Dakwah USF

Elemen Budaya
dan Citra
Nusantara

Kesusasteraan

Teks dan Konteks

Merentasi Disiplin

Teori dan Praktikal

Kesepaduan dan
Integrasi Ilmu

Turath dan
Kontemporeri

Ummatik dan Ruh
Gerakan Islam

Kepetahan
Berpidato dan
Pengucapan Awam

Pemikiran Dakwah USF

Islam dan Melayu

Manhaj Maliziy

Fiqh al-Siyasi

Fiqh al-Taayush

Fiqh al-Muwatanah

Fiqh al-Da'wah

Fiqh al-Dawlah

Fiqh al-Awlaiyyat

Fiqh al-Bi'ah

Rahmatan Lil Alamin

Hurriyyah

Wasatiyyah

Karamah Insaniyyah

Politik Umur Janibiyah

Adab al-Ikhtilaf


Fiqh al-Waqi'

Ulil al-bab

Pendidikan al-Hikmah

*al-Jam'u bayn al-qadim al-salih
wa al-jadid al-nafi'* Pemaduan
antara kesilaman yang relevan
dan kekinian yang bermanfaat

Maqasid al-Shari'ah



Saya terpesona dengan cara USF mentakrifkan “maruah”. USF mengulas, *“Pelaku rasuah adalah orang yang tidak tahu malu, tidak tahu nilai dan harga maruah. Kerana itu ia sanggup menjualnya dengan harga murah. Harga dirinya hanya senilai sebuah ‘envelope’.* Pada saya, inilah kehebatan arwah, sindiran halus untuk muhasabah diri, tanpa mencungkil ketidakselesaan orang yang disasarkan. Tiada yang melenting, terpelanting pun tidak.


Lim Hong Siang, Penulis




Pendekatan Dakwah USF

Kesejagatan Dengan Citra Nusantara

- Membina personaliti Muslim (*Shakhsiyah Islamiyyah*) dan keluarga Islam, membangunkan Ummah dan seterusnya sebuah Negara serta sistem.
- Menyeru manusia kepada kebaikan dan menegah dari melakukan kemungkaran menerusi gerakan pencerahan dan pencerdasan.
- Penginstitusian gerakan dakwah (*al-Safwah al-Mukhtarrah*) menjana keintelektualan yang tinggi kepada ummah.
- Melahirkan para pendakwah yang berkualiti
- Integrasi Humanisation (kemanusiaan), Liberation (pembebasan) dan Transcendence (Melangkaui)
- Kearifan tempatan dan budaya elemen penting dalam dakwah.
- Sastera berperanan sebagai sumber yang mendorong ke arah perubahan sosial dan budaya.





- *Kita bukan sekadar badan tabligh dalam yang sempit, kita bukan sekadar badan kebajikan pengumpul dan mangsa kecelakaan, kita bukan parti politik pemburu undi, kita bukan sekadar badan koperasi ekonomi pengaut laba. Tetapi kita adalah Harakah Islamiah pelanjut tugas pengembangan dan pelaksanaan risalah samawiyyah yang serba lengkap mencakupi seluruh manusia, meratai segala tempat, meliputi setiap zaman dan menggenapi segala bidang kehidupan. Di hadapan kita terbentang gelanggang yang amat luas untuk dijelajahi dalam rangka melaksanakan risalah Islam sebagai pendakwah, sebagai pentarbiyyah, sebagai juru Islah, sebagai pembela kaum mustad'afin, sebagai pejuang ekonomi umat, sebagai tanda politik non-partisan, sebagai pengempur terhadap mereka yang cuba mencabul kedaulatan ajaran Allah.*
- Muktamar Tahunan ABIM 1983 *Menyahut Cabaran Abad Kebangunan*

Dakwah dan Sastera Islam

- Falsafah yang mempertemukan *al- gharad ad-dini* dan *al-gharad al-fanni* yang menzahirkan iltizam dan upaya untuk Islam.
- *Al-adab al- multazim*, sastera yang beriltizam terhadap pandangan *sarwa*, akidah dan nilai- nilai moral keagamaan.
- “*Sastera Islami berciri waqi’iy, realistik dalam erti melihat apa adanya*’. Ia meraikan pandangan yang haq dalam menilai dan melukiskan sesuatu hakikat, dengan menekankan peran *al-tawjih* (membimbing) dan *al-ta’dib* (mendidik), dan pengisian ciri-ciri estetik dan prinsip takamul dan takmilahnya” (Islam dan Melayu, 2012).



Dakwah adalah Pembebasan, Pencerahan dan Perubahan

- Pembebasan mengeluarkan manusia daripada kegelapan (*zulumat*) kepada cahaya (*nur*).
- Pencerahan (*tanwir*), perubahan (*taghyir*) dan pembebasan (*tahrir*).
- *Gejala pesona yang kian menggila
menginjak taqwa menganjak jiwa
merdeka dengan Ketuhanan Yang Maha Esa
menjadi hamba kewangan yang “maha berkuasa”.
Pada Hari Merdeka yang ceria
kusimpan tangis di balik tawa
kupendam cemas di tengah pesta.
Akan terjualkah merdeka kita? (Bicara Merdeka Seorang
Guru Tua, Mensyukuri Nikmat Menginsafi Amanat
Sempena 50 Merdeka)*



Hikmah Dalam Dakwah

- Hikmah adalah anti-tesis kepada gejala radikalisme-ekstremisme dengan pesona retorik berapi seperti kafir, jahiliyyah, taghut, mustakbirin.
- *“Dakwah adalah merupakan satu lagi amanah yang harus dilaksanakan dengan penuh hikmah. Kejayaan dakwah akan banyak bergantung kepada para pendakwah berkualiti ulil al-bab, berdaya intelek akal budi yang tinggi, ungkapan Qur’aniyyah yang diulang-ulang hingga enam belas kali. Tanpa hikmah dari pendakwah ulil al-bab akan terus berulanglah kegagalan dakwah sebagaimana yang disebut oleh Al-Shaykh Muhammad al-Ghazzali sebagai pendakwah yang hanya banyak aktiviti tetapi dangkal ilmu dan kefahamannya.”* (Ucapan Dasar 1989 Demi Survival Ummah).



Islah dan Tajdid Berakarkan Wahyu dan Realiti

- “Mesej dakwah kepada pembesar dan pemerintah di Alam Melayu adalah jelas iaitu menyeru kepada mentauhidkan Allah (s.w.t) dan kepatuhan kepada-Nya. Ini menunjukkan setelah kedatangan Islam, kesan taat setia buta pantang derhaka kepada raja dan pemerintah di bawah konsep devaraja berdasarkan perspektif Hindu, berpindah kepada taat setia „bersyarat“ kepada sultan di bawah konsep „raja adil raja disembah, raja zalim raja disanggah“ (Tradisi Kesultanan: Perspektif Islam (1993).
- “Saya tidak terbayang besarnya dosa para ulamak yang melahirkan fiqh yang menyokong penguasa yang zalim sehingga rakyat terus menjadi mangsa kezaliman. Sepatutnya mereka melahirkan fiqh yang menjadikan Islam itu rahmatan lil aalamin, bukan rahmatan lil dzolimin.” (Nunji, 2017)



Dakwah *Manhaj Maliziy*

- Dakwah *Manhaj Maliziy* merujuk kepada pendekatan ketidakbergantungan *manhaj* gerakan-gerakan Islam yang lain seperti Ikhawanul Muslimin, Jama'at Islami atau pendekatan siasah revolusioner dari Iran.
- Melaksanakan dakwah yang tersendiri dalam lingkungannya tersendiri tanpa meniru mana-mana gerakan Islam. Alam Melayu mempunyai cabaran-cabarannya yang tersendiri dan sudah pasti memerlukan kaedah dan model dakwah yang tersendiri untuk menanganinya.
- “*Sejarah kita adalah sejarah kepelopor: mempelopori pendekatan yang sihat dan realistik dalam menyikapi kenyataan atau realiti zaman dan lingkungan. Sikap inilah yang telah melahirkan pendekatan kemalaysiaan dalam strategi pendakwahan sebagaimana yang terumus dalam istilah manhaj maliziy.*” (Amanat pimpinan, Ijtima’ Harakiy Ke-2 pada 2011)



Dakwah dan Budaya Melayu

“Satu ketika orang Melayu memiliki kesedaran yang tinggi tentang sifat malu seperti yang mereka ekspresikan dalam ungkapan tradisional, “sehina semalu”. “Sehina semalu” bererti sama-sama hina dan sama-sama malu. Apabila negara ini disebut negara yang korup, atau disebut mengamalkan ‘kleptocracy at its worst’, yang seharusnya malu bukan hanya orang tertentu, tetapi semua rakyat dari segala kaum dan agama. Semua mereka berkongsi rasa sehina semalu”.

(Agama Sebagai Medium Memupuk Integriti dan Perpaduan Nasional, 2018).

Wayang Kulit: Watak Dalang, kalimasada, Kelir, Debog, Blencong dan Dewa Serani. (*Islam Dalam Sejarah dan Kebudayaan Melayu*, 1999).



Politik dan Dakwah

- *Dalam kerangka dakwah yang luas itulah kita meratakan kesedaran politik di kalangan umat, mendewasakan amalan berpolitik, membudayakan politik bermoral, membina perpaduan ummah, memperjuangkan dominasi umat dalam politik negara, memperjelaskan isu-isu yang dipolitikan, menentang gejala politik wang, menentang penyalahgunaan kuasa dan lain-lain. Apabila kita memperjuangkan Islam sebagai sistem hidup yang sempurna bererti kita juga memperjuangkan pelaksanaan prinsip-prinsip dan nilai-nilai dasar politik Islam seperti keunggulan syariat, hak-hak asasi manusia, keadilan sosial, amalan musyawarah dan sebagainya. (Ucapan Dasar 1990, Keperihatinan Ummat Dalam Senario Politik).*



Dakwah dan Adab al-Ikhtilaf

- “Tidak semua khalayak akan senang dengan segala yang tersurat dan tersirat dalam tulisan ini. Memang ia bukan karya lipur lara yang dicipta untuk menghibur hati yang luka. Apabila sesuatu pendapat telah terlontar ke hadapan khalayak, maka apa pun reaksinya, diterima atau ditolak, harus disikapi dengan lapang dada. Kedua-duanya, yang menerima dan yang menolak wajar dihargai selayaknya. Justeru, di dunia wacana, lawan pendapat adalah rakan berfikir. Setiap pendapat yang terungkap, menyenangkan atau menyakitkan, semangat yang mendasarinya tetap sama: ingin jujur kepada diri sendiri. Memuji tanpa motif untuk mengampu, mengkritik tanpa maksud untuk menyakiti” (Islam dan Melayu, 2012).



Dakwah dan Budaya Damai

- Fiqh Kebersamaan, Fiqh Kerukunan Hidup, Fiqh Kehidupan, Fiqh Hidup Berdampingan dan Fiqh Kewujudan Bersama.
- “ Negara bangsa tidak hanya dicirikan oleh Batasan wilayah dan daya pertahanannya tetapi juga budaya yang dikongsi bersama oleh seluruh warganya. Bagi masyarakat plural yang rapuh dan sentiasa terdedah kepada konflik terutama akibat politik rasis, budaya yang harus dipromosikan untuk dikongsi bersama ialah budaya damai”. (Membina Kesatuan Bangsa: Kerukunan Hidup Bersama Dalam Budaya Damai”, 2019).



Dakwah dan *Waqi'* (Realiti)

- Fiqh yang bersifat dinamik, progresif, luwes, relevan mengikut realiti zaman
- Selain nas dan mujtahid, alam realiti juga merupakan salah satu komponen penting dalam pembentukan fiqh.
- *“Seharusnya umat Islam kini bersikap realistik bahawa realiti telah berubah dari dawlah khilafah kepada dawlah wataniyyah atau negara nasional (Sehubungan itu, perbahasan berkaitan hubungan non-Muslim dari sudut pengkategorian dhimmi, jizyah, kharaj, cshur dan seumpama dalam kerangka era zaman Khilafah Islamiyyah dilihat semakin hilang justifikasinya pada zaman ini dengan terbentuknya kemauafakatan damai melalui kewujudan negara bangsa. Islam perlu difungsikan sebagai kekuatan penyumbang utama kepada kerukunan masyarakat majmuk dan seterusnya kepada agenda pembinaan bangsa”*. (Hidup Bersama Dalam Kepelbagaian, 2018).



Dakwah dan Kerja Kemasyarakatan

- Ulu al-Bab yang perlu diberikan prioriti dalam pendekatan dakwah adalah dengan terjun secara langsung ke dalam masyarakat melalui program Da'wah bi al-Hal .
- “Dakwah tidak seharusnya membeku dalam bentuk seruan-seruan retorika semata-mata. Amr Ma'ruf harus lebih banyak digarap secara Lisan al-Hal dengan khidmat amal bakti dengan model teladan, dengan sarana dan program konkret. Demikian pula halnya dengan Nahi Munkar yang harus digarap bukan dengan hanya memuntahkan kalimah-kalimah yang menghina dan provokatif, bukan dengan membela penuh emosi, semacam mendapat nikmat besar apabila timbul isu yang boleh dieksplorasi. Nahi Munkar seharusnya kritik yang jujur dan membina dengan hujah-hujah yang dilengkapi data, fakta dan angka, dilafazkan dalam nada bahasa da'i yang lunak kerana para da'i adalah berbicara kepada akal dan fitrah manusia” (Ucapan Dasar, Da'i Pembina Aqidah Pembangun Ummah).



Dakwah dan Kenegaraan

- Islam mengiktiraf kepada kepelbagaiannya sebagai fitrah yang perlu diraikan sebagai sesuatu yang lumrah untuk saling mengenal dan suatu yang positif jika ditangani secara matang.
- Keadilan dan kebaikan, nilai kemuliaan insan, budaya damai diperkuuhkan dengan konsep *Fiqh al-Muwatanah* dan perkongsian kuasa.
- Mencari titik persamaan berlandaskan maqasid Syariah.
- “*Pembinaan bangsa Malaysia harus berasaskan nilai-nilai yang disepakati bersama, tanpa melebur identiti umat Islam, tanpa membunuh rasa cinta dan solidariti (ukuhwwah Islamiyyah) sesama umat, dan tidak usah sampai mengikis rasa tanggungjawab membela nasib warga seagama. Seseorang yang bersemangat dan beridentiti keMalaysiaan tidak seharusnya diertikan sebagai individu Malaysian yang sudah tidak punya sebarang komitmen lagi terhadap agamanya, umatnya dan budaya warisannya sendiri*”
(Membina Bangsa Malaysia, Mengangkat Maruah Umat).



Dakwah dan Pendidikan

- Pendidikan mempunyai misi untuk memanusiakan dan memerdekaan (Pendidikan al-Hikmah dan misi pencerahan; Himpunan pidato kependidikan, 2009).
- *“Politisasi dan komersialisasi yang melampau-lampau telah Mengakibatkan pendidikan kehilangan esensinya sebagai proses pengutuhan insan. Menutup-nutupi krisis yang sebenarnya cukup kronik ini hanya menipu diri sendiri.”*
- *“Bagi memastikan kelangsungan sesebuah bangsa, ianya amat bergantung kepada usaha sesebuah bangsa itu untuk memiliki khazanah yang disebut manfaat dalam segala bentuk; kekuatan intelektual, moral dan material yang semunya didasari semangat kebaktian kemanusiaan”.* (Islam dan Melayu, 2012).



Dakwah dan *Maqasid al-Shari'ah*

- “*Maqasid al-Shari'ah harus diertikan dan difungsikan sesuai dengan realiti zaman dan lingkungan. Pemeliharaan agama tidak hanya mengawalnya dari penyimpangan tetapi pembinaan masyarakat yang mutadayan. Pemeliharaan jiwa harus diertikan dengan pencapaian kualiti hidup sesuai dengan darjat kemuliaan insan. Pemeliharaan akal harus diertikan dengan pembinaan daya fikir masyarakat, pembangunan budaya keintelektualan, perlawanan terhadap pembodohan dan apa sahaja yang meracuni pemikiran. Pemeliharaan zuriat harus diertikan sebagai penguatan institusi keluarga dan pembinaan generasi berkualiti. Pemeliharaan harta harus diertikan sebagai pembangunan ekonomi manusiawi-maslahah (kerakyatan) dan pemerataan kemakmuran*”. (*Maqasid al-Shari'ah Dalam Ranah Demokrasi*).



Personaliti Da'i': Berakhhlak dan Tawadhu'


*Mampuku hanya mengadu lewat sedu
Biarlah air mata menjadi jurubicara
Mengganti ucap yang tak terungkap
Mewakili kata yang tak terkata
Menyuara rasa yang tak tersuara
Aku percaya dengan bahasa air mata
Yang sepetah pujangga, sefasih pendeta
Aku pasrah dalam resah muhasabah
Ya Rabbana taqabbal minna manasikana (Wida', Antologi Puisi Kesan dan Pesan dari Al-Haramayn)*

- Membina akhlak mulia adalah *maqasid al-bi`thah* (objektif pengutusan Rasul).

"Sesungguhnya da'i adalah penyelamat bukan pelaknat dan bukan tukang sorak pemulang paku buah keras. Da'i adalah penyeru bukan penyerang, bukan pembangkang melulu dan bukan pula penyokong melulu, mereka adalah al-Amiruna bi al-Ma'ruf wa 'annahuna 'an al-Munkar - penyeru kebaikan dan pencegah kemungkaran". (Ucapan Dasar, Da'i Pembina Aqidah Pembangun Ummah.



Penginstitusian Pemikiran USF



USF adalah sarjana dan intelektual awam yang ummatik sifatnya. Sebagai tokoh ideologue yang mengabadikan hidupnya untuk umat, kesarjanaan dan pemikirannya mengangkat kesepaduan ilmu, mengharmoni teks dan konteks, mengintegrasikan turath dan kontemporari mengambil kira realiti dan visi masa depan. Sumbangannya terhadap perkembangan dakwah di Malaysia yang unik menerusi persuratan dan kebudayaan menjadi pencerah dan pencerdas kepada bukan sahaja umat Islam malahan masyarakat bukan Islam.

